

CAPUT VIII.

De hodierna Equitum creatione ceremoniisque in ea adhiberi solitis, seu dum ab ipso Supremo Ordinis Principe adscribuntur in ordinem, seu dum à Principibus exteris, Vicariâ potestate à Supremo eis delegatâ, cooptantur.

§. I.

Sodalitii hujus Equites à solis hodie Ordinis Supremis creari.

Post ultima, ut diximus, Equitum Comitia ante suum è Belgio in Hispanias discessum à Philippo II. Hispaniarum Monarcha in Gandavensi urbe celebrata, cum ob exortas subinde bellorum turbas, & secutam Provinciarum defectionem, ac ipsam denique locorum tanto intervallo disjunctorum distantiam, neque is, quem dixi, Philippus, neque ii, qui eum in throno deinde secuti sunt, Reges in Belgium unquam revertissent; & in Hispanias usque, tam turbatis temporibus Equites ad Comitia evocare res videretur esse maximæ difficultatis & discriminis plena; nec item politicæ rationes admitterent, ut per suum Vicarium Supremi Equestribus hisce Comitiiis (quæ convocari in Belgio potuissent) præsiderent. Hinc ut ne florentissimus hic & amplissimus Ordo in commune totius Christianæ Reipublicæ decus & utilitatem erectus, tantisque in id usque tempus impendiis conservatus sensim (maximo illo Comitiorum fulcro destitutus) deficere, atque, ut multis aliis militaribus hujusmodi Ordinibus factum est, concidere demum & interire penitus posset, novam quandam rationem inire cœpit sapientissimus, & ut cognomento, ita re quoque ipsa Prudens & Catholicus Rex Philippus II. qua tametsi hæc Comitia intermitteri necesse esset, suo tamen Ordo in vigore consisteret, ac propagari in fera usque sæcula posset. Et quoniam Philippus Bonus Dux Burgundiæ, & primus Ordinis institutor immutabilem esse 41. Institutionis suæ Articulum voluit, quo decreverat, ut quoties ob mortem cujuscumque Equitis Commilitonis alius in ejus locum deligendus esset, id collatis Supremi Equitumque cæterorum suffragiis fieret, & quidem (ut articulo 44. videre est) nonnisi eo & loco & tempore, quo Statuta Ordinis Comitia haberentur. Hinc cum & observari non posse hæc Statuta videret, & simul adversus eadem decernere aliquid sui unius autoritate non vellet. Patris sui, Caroli nempe Quinti, exemplo, id sibi jus fieri ab Apostolica Romana sede expetiit, ut novorum sibi Equitum etiam extra Comitia in Ordinem adlegendorum creandorumque potestas esset; nec verò arduum erat id à Romano Pontifice impetrare, qui ultrò in conservacionem tam illustris instituti intentus anno 1572. ad Philippum II. Regem Catholicum *Pontificium Breve* dedit, quod sequitur:

„ Gregorius Papa X. Charissime in Christo Fili noster, salutem & Apostolicam Benedictionem.

„ Exponi nobis nuper fecisti, quod ad præsens vacant plura loca & officia Ordinis seu Societatis Velleris Aurei, *Del Tuson* vulgò nuncupati, & dubitas de locis & officiis hujusmodi extra Capitulum dicti Ordinis disponere, seu providere posse.


„ Ad omnem igitur dubitandi materiam tollendam, tuis in hac parte supplicationibus inclinati, tibi ut hæc vice de locis & officiis hujusmodi extra di-

„ tum



PHILIPPVS III. eadeſ facilitate Monarchia maxima præſuit
 Qua exigua familia aliis.

Cum enim Paterna omnes pietate foveret,
 Nemo omnium fuit, qui ſubſeſſe Principi tam benigno n̄ cuperet
 Qui hostis eſſe nemini, niſi unis DEI hostibus poſſet.
 Equibz, Sectarios sæpè expugnavit in Belgio,
 Saracenos omnes exturbavit è Regno,
 Malens novies centena millia ſubditorum amittere,
 Quam tot hoſtes Chriſti in ſinu ſuo, quãtavis Ararij utilitate,
 Foſſe.



„ Etum Capitulum , quatenus id aliter facere nequeas , ad tui beneplacitum , di-
 „ sponendi licentiam & Facultatem Apostolicâ autoritate tenore præsentium
 „ concedimus.

„ Non obstantibus dicti Ordinis juramento , confirmatione Apostolicâ ,
 „ vel quavis firmitate aliâ roboratis Statutis & consuetudinibus , stabilimentis ,
 „ usibus & naturis , etiamsi in illis caveatur expressè , quòd illa officia extra di-
 „ ctum Capitulum conferri non possent , & aliter factæ collationes & provisio-
 „ nes nullæ essent ; privilegiis quoque , indultis & litteris Apostolicis in contra-
 „ rium quomodolibet concessis , approbatis & innovatis ; quibus omnibus , eorum
 „ tenores in præsentibus pro expressis habentes (illis aliàs in suo robore per-
 „ mansuris) hac vice duntaxat specialiter & expressè derogamus , cæterisque
 „ contrariis quibuscunque . Datum Romæ apud S. Petrum sub annulo Pesca-
 „ toris die XV. Octobris , anno millesimo , quingentesimo , septuagesimo secundo ,
 „ Pontificatûs nostri anno sexto .

Post hoc Diploma à Gregorio Pontifice impetratum Philippus , nihil jam
 Equestribus Comitibus opus sibi esse perspiciens , eos , in defunctorum Ordinis
 Equitum locum , viros delegit , quos singularis illi prudentia , pietasque verè re-
 gia , præ cæteris dignos esse honore illo suggerebat . At Philippus III. qui Phi-
 lippo II. in throno Hispanico simul & Supremo Ordinis Aurei Velleris Princi-
 patu successit , eo Gregorii XIII. Diplomate seu Brevis Pontificio nimis arcto &
 & restricto non contentus aliud sibi à Clemente VIII. per Antonium de Car-
 dona suum apud Sedem Pontificiam Oratorem impetravit , quo eadem , quæ Pa-
 renti Philippo parcè admodum concessa fuerat , Equitum extra Comitibus eligen-
 dorum & creandorum potestas , filio largiùs pleniùsque collata est & confir-
 mata his verbis .

„ Clemens Papa VIII. Charissime in Christo Fili noster , salutem & Apосто-
 „ licam Benedictionem .

„ Cùm aliàs vacantibus pluribus locis & officiis Ordinis sive Societatis Au-
 „ rei Velleris , *del Tesoro* vulgò nuncupati , de quibus tu forsan dubitabas , an
 „ extra Capitulum dicti Ordinis providere posses , felicitis recordationis Grego-
 „ rius XIII. Prædecessor noster , supplicationibus tuis inclinatus , Tibi , si extra
 „ dictum Capitulum Generale ejusdem Ordinis de illis aliter disponere non
 „ posses , de iis extra illud liberè & licitè providendi licentiam & facultatem
 „ concefferit , prout in ejusdem Gregorii Prædecessoris , in forma Brevis decimo
 „ quinto Octobris anni millesimi quingentesimi , septuagesimi secundi , Pontifi-
 „ catûs sui anno sexto expeditis literis pleniùs continetur : quarum vigore , sicut
 „ nobis exponi fecisti , tu de pluribus ejusdem Ordinis locis & officiis tunc va-
 „ cantibus disposuisti sive providisti .

„ Cùmque nunc de aliis etiam , quæ postea vacârunt , similiter providere
 „ cupias , eamque ob rem ejusdem Gregorii Prædecessoris licentiam ac faculta-
 „ tem usque ad numerum locorum dicti Ordinis , nunc vacantium , completum
 „ per nos extendi & ampliari , sive illam Tibi de novo concedi per dilectum
 „ filium nobilem virum Antonium de Cardona , Sueffæ Ducem , tuum apud nos
 „ Oratorem , à nobis postulaveris . Nos supplicationibus tuis hujusmodi incli-
 „ nati , literarum prædicti Prædecessoris tenorem pro expresso habentes , Tibi de
 „ omnibus locis atque officiis dicti Ordinis nunc vacantibus , quatenus extra
 „ dictum Capitulum de illis aliter disponere aut providere nequeas , ad tuum
 „ beneplacitum usque ad numerum locorum dicti Ordinis completum , extra idem
 „ Capitulum Generale disponendi , & liberè ac licitè providendi licentiam & facul-
 „ tatem , Apostolicâ Auctoritate , tenore præsentium concedimus & impartimur .

„ Non obstantibus dicti Ordinis juramento, confirmatione Apostolicâ,
 „ vel quavis firmitate aliâ roboratis statutis & consuetudinibus, stabilimentis,
 „ ulibus & naturis, etiamsi in illis caveatur expressè, quòd illa officia extra di-
 „ ctum Capitulum conferri non possent, & aliter factæ collationes & provisio-
 „ nes nullæ essent, privilegiis quoque, indultis & literis Apostolicis in contra-
 „ rium quomodolibet concessis, approbatis, & innovatis (quibus omnibus eo-
 „ rum tenores in præsentibus pro expressis habentes, illis aliàs in suo robore
 „ permansuris, hac vice duntaxat specialiter & expressè derogamus) cæterisque
 „ contrariis quibuscunque. Datum Romæ apud S. Petum sub annulo Piscato-
 „ ris die XV. Januarii 1596. Pontificatûs nostri anno quarto.

Atque hac deinde potestate cæteri quoque, post Philippum hunc, Ordinis
 Principes uti in hoc usque tempus perrexêre, ut sibi unis de Summi Pontificis
 veniâ electiones attribuerent; neque enim melior ulla aut commodior eligen-
 dorum Ordinis Equitum ratio occurrebat, quamdiu locus non esset indicendis
 Generalibus Ordinis totius Comitiiis.

Neque tamen propterea existimandum est, per electionem hujusmodi aut
 Ordini aliquid detractum, aut imminutam ipsorum Equitum existimationem
 fuisse. Contrâ enim ego existimo multum potiùs & dignitatis & commodi uni-
 verso huic instituto & Equitibus singulis ex istiusmodi electione & creatione ac-
 cedere; quando & Ordinis perennitati præclarè hac ratione prospectum est, &
 singulorum Equitum existimatio tantò amplius illustratur, quanto luculentius
 est singularis meriti argumentum: ab ipso Supremo Principe (quo nemo cer-
 tior esse meritorum arbiter aut potest, aut debet) nemine alio adnitente, tam in-
 signi virtutum, fidei, rerùmque præclarè gestarum præmiò decorari.

Sed enim lubet ipsas quoque cerimonias, in hodierna Aurei Velleris Equi-
 tum adscriptione usurpari solitas, hoc loco referre, & primùm quidem eas, quæ
 adhiberi tum solent, cùm hic Ordinis Torques ab ipso Supremo Ordinis
 Capite viris Illustribus ab eodem in Societatem hanc adlectis confertur. De-
 inde verò & illas, quæ tum esse in usu solent, cùm per alium quempiam Prin-
 cipem, delegatâ à Supremo Ordinis Principe autoritate, eodem Torquis Velle-
 risque insigni novus quispiam electus Eques ornatur. Et quoniam utriusque
 hujusmodi creationis ab Augustissimis nostris Leopoldo I. & Carolo VI. in hac
 ipsa Urbe Cæsarea factæ exempla domi nostræ habuimus: hinc relationem ea de
 re tantò fidiorem hic dabimus, quantò certiora ejus rei documenta nacti su-
 mus. Itaque à Filio, Carolo nempe VI. hodierno Cæsare nostro Invictissimo,
 ordior; cui honor hic vel ideo præ Patre debetur, quòd ille tanquam legitimus
 amplissimi Ordinis Supremus & Princeps suâ eum autoritate contulerit. Dum
 Leopoldus felicissimæ Sanctissimæque memoriæ Imperator nonnisi Vicario no-
 mine Supremi munus obivit. Sit igitur.

§. II.

*Cerimoniarum à Sacratissima Cæsarea Regiâque Catholica Majestate
 CAROLO VI. Ordinis Aurei Velleris Supremo Principe, dum anno 1712. 29. Martii
 Vienna Austriae quatuordecim novi Aurei Velleris Equites crearentur,
 observatarum Descriptio.*

Postquam die 27. Martii ipso Resurrectionis Dominicæ festo die, ex man-
 dato Augustissimæ Cæsareæ Regiæque Catholicæ Majestatis (tanquam
 Supremi Capitis in hoc amplissimo & celeberrimo *Aurei Velleris Equitum*
 Ordi-

Ordine) Dominus Joannes ab Isendik, qui Feialis seu Regis armorum (vulgò *Toifon d'Or*) munus in hoc Ordine gerit, universos tunc in Urbe hac Cæsarea degentes Inclyti hujus Ordinis Equites in Aulam Cæsaream, ut Equestri ibidem conventui interessent, perhonorificè invitâset, iique constituta quintâ post meridiem horâ in aulæ senaculo (vulgò *Chambre de Conseil*) congregati venissent, adfuit non multò post Augustissimus ipse, suoque in folio, tecto capite, sub umbellâ confedit; Equitibus in duas utrinque alas ita partitis, ut (loco nonnihil à Cæsarea sede remoto) utrumque senaculi latus, in sedibus decorè constratis assidentes, contegerent. Tum Sacræ Cæsareæ Regiæque Catholicæ Majestatis nomine nobilissimæ huic Equitum coronæ, habitâ per Dominum Joannem Theodorum L. B. ab Imbsen Ordinis Secretarium simul & Cancellarium eleganti oratione, significatum est: eam ob rem convocatos Equites in hunc cœtum fuisse, ut in illo Majestati suæ, tanquam Supremo Ordinis Capiti, debitam subjectionem renovato in ejus nomen Sacramento instaurarent. Quibus dictis eodem ritu, qui sub Maximiliano pag. 72. & seq. observatus est, Augustissimus ipse Ordini, Equites verò & Ministri Supremo se Ordinis Capiti obstrinxere. Sub hæc rursus Secretarius monuit: Constituisse suam Cæsaream & Catholicam Majestatem singulis Equitibus illis, quos haud ita pridem Francofurti ad Mænum in hunc Ordinem suum adlegerat, ejusdem Ordinis Regulas & Statuta manu propriâ tradere. Atque hæc à Secretario dicta, cum ipse subinde Augustissimus latius sermone confirmâset, atque insuper, quàm singularem apud se existimationem hic Ordo, singulique in eum adlecti Equites, tam ob sua, quàm ob familiarum suarum egregia merita obtinerent, prolixè contestatus fuisset; accedentibus suo Ordine Equitibus singulis singula statutorum exemplaria tradidit: ut ex iis & Ordinis regulas legesque condiscerent; &, quo pacto susceptis per eum Ordinem obligationibus satisfacere ipsi possent, cognoscerent; simulque quid in subsequam vigesimam nonam ejusdem mensis diem (in quam creandorum Ordinis Equitum solemnitas decreta erat) ab electis in hunc Amplissimum Ordinem Equitibus agi oporteret, perspicerent. Atque his peractis soluta sunt ejus diei comitia, invitatis tamen prius Equitibus: ut statuto, quem diximus, die ad solemnem Equitum inaugurationem in aulico RR. PP. Augustinianorum excalceatorum templo adessent. Interim dies una ornandæ in hanc solemnitatem Ecclesiæ, erigendo Cæsareo folio, Equitum sedilibus idoneè disponendis, cæterisque in hanc rem necessariis apparandis insumpta est. At verò ubi tertia Paschæ feria illuxit, in destinatum singuli locum statutâ nonâ matutini temporis horâ convenere: atque illi quidem, qui tum primùm Ordinis Torque solemniter ornandi erant, in interiori prædicti templi sacrario adventum Cæsaris præstolabantur. Veterani verò Ordinis Equites in aula primùm Cæsarea se stitère, atque inde Augustissimam Majestatem cum Nuncio Pontificio totaque aulâ præfatum templum aduentem sunt comitati; præferente suæ Majestati enses Excellentissimo Domino Hieronymo Capece Marchione de Rofrano Hispaniarum primæ Classis Magne, eodemque antiquissimo Cæsareæ, Regiæque Catholicæ Majestatis Camerario; cum Supremus Aulæ Mareschallus Celsissimus Dominus Adamus Franciscus S. R. I. Princeps de Schwarzenberg (ad quem aliàs honor iste spectabat) ipse quoque inter recens adscribendos in Ordinem Equites numeraretur. Cæterùm ubi hoc cum Comitatu in templo adfuit Cæsar, ibidem sub umbellâ, in throno, capite nudato, confedit: confidentibus unâ, in designatis à Rege armorum sedibus, veteranis Equitibus; dum interim ad dextrum suæ Majestatis latus, nudatum enses manu præferens supradictus Dominus Marchio de Rofrano, ac juxta hunc Dominus Comes Leo ab Uhlefeld Sacræ Cæsareæ & Regiæ Catholicæ

Majestatis Spiculatorum Præfectus adstabant. Vix suam hi stationem occuparant, cum Secretarius Ordinis accepto ex ipsius Augustissimi Cæsaris (quem debita cum venerationis significatione adierat) ore mandato laudatissimum suæ Majestatis, in magnifico hoc negotio suscipiendo, Consilium gravi & nervosâ ad præsentem oratione exposuit, quâ dictâ statim ad majoris aræ latus, Evangelio destinatum, accessit. Tum Rex armorum jubente id Augustissimo, antiquissimum inter præsentem Ordinis Equitem Franciscum Josephum S. R. J. Principem de Lamberg ad solium suæ Majestatis accivit, qui ubi continuo præsentem ad Augustissimi mandatum se stitit; à Cæsare jussus est, comitante armorum Rege, primum creandorum Equitum coram adducere, ut sic initium ea solemnitas sumeret.

Atque ubi primum, adducente memorato Principe Lambergio & armorum Rege (qui Augustissimum Cæsarem quantocyus de præsentia candidati admonuit) Serenissimus Emanuel Sabaudia Princeps ante Cæsareæ Regiæque Majestatis solium in infimo ejus gradu genuflexum se stitit, latino sermone ab ipso Augustissimo Cæsare sequentia est interrogatus.

Primum: persistetne in voluntate & proposito amplissimi hujus Ordinis suscipiendi? tum habeatne satis perspectas regulas & Constitutiones Ordinis? cumque Serenissimus hic Candidatus, debitam Majestati suæ reverentiam contestatus, modestissimè ad utrumque quæsti Caput annuisset, atque, secundum præscriptam in ceremoniali Ordinis libro methodum, tam pronæ in se Augustissimi, tanquam Ordinis Supremi, ac cæterorum omnium nobilissimorum Equitum benevolentia meritis gratias sermone pariter latius retulisset; eodem rursus sermone reposuit Cæsar: se eum Ordinem Principi cum priorum, tum Serenissimæ domûs meritorum intuitu non solum libenter collaturum; verum etiam, ubi recepto sese Ordinis Sacramento obstrinxerit, suismet manibus magnum hujus Ordinis Torquem ejusdem humeris circumdaturum.

Interrogatus subinde ab eodem Augustissimo, sitne jam ante hac creatus Eques auratus? cum nondum eo se honore insignitum esse reposuisset, eamque gratiam à sua Cæsareâ & Catholica Majestate quam humanissimè expeteret, is ei honos sequenti modo collatus est.

Conscendit nimirum Princeps Supremum solii Cæsarei gradum, ibique rursus in genua se coram Augustissimo Imperatore demisit: hic verò cum Cæsareum sibi Caput texisset, sumpto è supradicti Marchionis manibus ense, repetito ter ictu lævum Principis humerum leviter strinxit cum dicto: „Efficat te „DEUS bonum & honorabilem Equitem in nomine Domini nostri & Sancti Andreae.

Equestrem sic honorem adeptus Sabaudia Princeps à Secretario & armorum Rege ad erectam, à latere Evangelii, prope altare majus humilem arulam, aut verius dixerim, juramenti mensulam ductus est. Ubi cum jusjurandum Secretarius idemque Cancellarius Ordinis elatâ distinctaque voce Principi prælegisset, eique subinde hanc eandem jurandi formulam tradidisset, idem Princeps conceptis verbis Sacramentum Ordini, manu alterâ Crucifixi simulacro, alterâ Evangelio apposita nuncupavit. Erigente se in pedes, dum jusjurandum enunciaretur, Augustissimo Cæsare Equitumque coronâ, mox tamen iterum se in sedes demittente.

Postquam verò jusjurandum sic dictum est, ad Cæsareum rursus solium reversus Princeps in summo rursus gradu se demisit in genua: ubi cum pariter antiquissimi inter eos, qui aderant, duo Ordinis Equites Franciscus Princeps Lam-

Lambergius, & Otto Honorius Comes ab Abensperg & Traun (qui utrinque ad Sabaudi Principis latus accesserant) genuflexi adessent; Augustissimus rursus capite tecto Torquem Aureum à Domino Secretario, eodémque Cancellario Ordinis in holoserico pulvino, quod multo undique auro fulgebat, allatum Serenissimi Candidati collo circumdedit, sequentia ex rituali Ordinis libro subjungens: „ Ipse te hic Ordo, vir egregie, in Sodalitatem suam amicabilem recipit, ejúsque rei signum Torquem ego hunc tibi circumdo; faxit Deus, ut gestare eum diu possis: idque ut simul ad Divinam gloriam, cultum, exaltationemque Ecclesiæ cedat; simul etiam cum ad amplificationem honorémque hujus ipsius Ordinis in universum, tum ad tuam privatam laudem & promeritam famæ celebritatem; in nomine Patris, & Filii, & Spiritus Sancti. „ Cúmque Princeps de more: „ Amen, id mihi concedat DEUS: „ respondisset, eum Augustissimus indulto prius Cæsareæ manûs osculo, detecto capite, & erecto nonnihil in pedes corpore amplexu amicissimè strinxit, cæteris quoque veteranis Equitibus pari amoris significatione novum Ordinis fratrem humanissimè prosequentibus.

Atque hæc omnes cerimonie observatæ sunt in cæteris quoque Celsissimis Excellentissimisque Dominis Equitibus in hunc Ordinem eodem tempore & loco adlectis, quorum hæc, quæ sequuntur, sunt nomina.

D. Wenceslaus Norbertus Comes de Kinsky, Sac. Cæs. Maj. Actualis Intimus Consiliarius, nec non aulæ Regiæ in regno Bohemiæ Supremus Præfectus.

D. Maximilianus Comes de Turri & Vallesaxina, Sac. Cæs. Maj. Actual. Int. Consil. nec non Augustissimæ Imperatricis Eleonoræ Magdalenæ Theresiæ Viduæ Supremus Aulæ Præfectus.

D. Gundakarus Thomas Comes & Dominus à Starhenberg, Sac. Cæs. Maj. Actual. Intimus Consiliar. & Cameræ Præses.

D. Carolus Josephus Comes de Paar, Sac. Cæs. Maj. Actual. Int. Consil. & Supremus Veredorum Præfectus.

D. Rudolphus Sigismundus Comes de Sinzendorff, Sac. Cæs. Maj. Actual. Intimus Consiliarius & Supremus Aulæ Camerarius.

D. Michaël Joannes Comes ab Althan, Actualis Camerarius Cæsareus.

D. Ferdinandus de Sylva, Comes de Cifuentes, Actualis Camerarius Cæsareus.

D. Adamus Franciscus Princeps de Schwarzenberg, Supremus Cæsareæ Aulæ Mareschallus.

D. Nicolaus Comes Palfy, Sac. Cæs. Maj. Actualis Intimus Consiliarius, nec non Augustissimæ Imperatricis Eleonoræ Magdalenæ Theresiæ Viduæ Supremus Stabuli Præfectus.

D. Norbertus Comes de Kolowrath, Sac. Cæs. Maj. Consiliarius Intimus.

D. Vincentius Comes ab Oropesa, Actualis Camerarius Cæsareus.

D. Willericus Laurentius Comes de Dhaun, Sac. Cæs. Maj. Consiliarius Intimus, nec non campi Mareschallus, & in Cæsarea hac Urbe Viennensi Militiæ Præfectus & Chiliarchus.

D. Joannes Baptista Comes de Colloredo, Sac. Cæs. Maj. Consiliarius Intimus.

Qui omnes postquam eo, quem modò memoravimus, ritu solemniter in amplissimum hunc Ordinem adscripti fuerunt, Sacrosanctum Missæ Sacrificium à Pontifice infulato est habitum iisdem ferè ceremoniis, quibus aliàs haberi in Augustissimi Cæsaris præsentia assolet; excepto, quòd, cum ad *Offertorium*, ut vulgò appellamus, eundum erat, Rex Armorum & universa Equitum Tor-

quatorum corona accedentem ad aram Augustissimum Cæsarem tanquam Ordinis hujus Supremum in duas series divisi præcesserint, indeque rursus ad folium redeuntem deduxerint; ubi postquam Majestas sua confedit, humanissimo Augustissimi Capitis annutu ad sedes pariter suas occupandas iidem Equites sunt invitati. Cæterum eam insuper ceremoniam in solempni illo ad oblationem faciendam accessu observare hic convenit: quod si quis Cæsarei sanguinis Princeps inter Equites adsit, ejus tum munus sit sacrificiales Majestatis suæ numos in aurea pelvi ponere Cæsarem ad altare deferre; at si nullus ejusmodi Princeps sanguinis præsens sit; tum is, qui Equestris senii dignitate Sodales reliquos antecellit, eo munere fungitur.

Cumque subinde inter hæc Divinum officium peractum plenè fuisset, Sacram Majestatem Cæsaream è templo revertentem ordine pompæque eadem, quâ antè in templum deduxerant, iidem Equites reduxere.

Atque ex hac prolixiori nonnihil relatione satis, ut opinor, perspicue quisque assequi poterit ceremonias illas, quæ adhiberi in nobilissimorum hujus Ordinis Equitum creatione, ac (ut vulgò dicimus) investitura adhiberi consuevere, quoties per ipsum Supremum honor iste confertur.

§. III.

Ceremoniarum ab Augustissimo Cæsare Leopoldo I. dum delegatâ sibi à Supremo Ordinis Principe autoritate ejusdem Ordinis Torquem conferret, adhibitarum relatio.

Cæterum cum ea Torquis impositio per alios etiam nonnunquam Principes & Monarchas potestate à legitimo Ordinis Supremo iis in certis quibusdam casibus delegatâ fieri soleat, operæ pretium duco ad pleniorè materiæ tam illustris cognitionem, ejusmodi quoque creationis exemplum subnectere. Atque ut eodem hoc Capite Cæsarem Patrem Cæsari Filio jungamus; illud feligere præ cæteris placuit, quo Augustissimus piæ memoriæ Imperator Leopoldus I. autoritate vicariâ, sibi ab Hispaniarum Rege Carolo II. delegatâ, anno 1694. die 13. Septembris Excellentissimo Domino Comiti de Schaffgotsch Aureum Torquem Ordinis induit felicissimo sanè præfagio, fore, ut quem honorem Augustissimus Genitor, alieno nomine, heroi sibi subdito contulisset, eundem Augustissimus olim Filius propriâ posset autoritate conferre. In hac igitur inauguratione ceremoniæ adhibitæ, quæ sequuntur, fuere.

Perlectis palàm in nobilissima aliquot veteranorum Aurei Velleris Equitum coronâ patentibus suæ Majestatis Catholicæ literis, quibus in suam Cæsaream Majestatem supra dictum Excellentissimum Dominum Comitem, Ordinis Equitem à sua Regia Majestate electum, Aurei Velleris Torque donandi potestas pro eo actu transferebatur; in aliud conclave, ad quod recens electus in Ordinem Comes se interim, dum evocaretur, receperat, antiquissimus inter eos, qui aderant, ejusdem Ordinis Eques à Cæsare missus est, qui ex Candidato quæreret: sitne ei etiamnum decretum hunc inlytum Velleris Aurei Ordinem suscipere, atque jurejurando sese ad observanda ejusdem statuta obstringere? Cumque decretum sibi esse, respondisset Candidatus, responsûmque id Majestati Cæsareæ relatum à missio, quem dixi, Equite esset; redire rursus, Candidatûmque ad suæ Majestatis folium adducere idem Eques est jussus: atque ubi is adsuit, ex ceremoniali Ordinis volumine, quod ei à Secretario apertum exhibebatur, sermone latio sequentia legit:

„ Sacra Cæsarea Majestas Domine Clementissime.

Quandoquidem ex literis Regiæ Majestatis Catholicæ, Ordinis Aurei Velle-
 „ ris Supremi cognovi; me ejus benignitate electum esse atque adsci-
 „ tum in hunc ipsum Ordinem amicamque Sodalitatem; quo quidem facto me
 „ mirificè honestatum esse intelligo (præcipuè quòd à Sacra Cæsarea vestra Ma-
 „ jestate ad eundem recipiar) summa cum veneratione accepi id judicium, ac
 „ eapropter gratias habeo humillimas. Adsum igitur, ac Majestati vestræ Cæ-
 „ sareæ me humillimè sisto, obsecuturus in iis omnibus rebus, quæ ad hunc Or-
 „ dinem spectabunt, & quæcunque mei officii esse cognovero, omnimodè im-
 „ pleturus. „

Ubi hunc in modum suam Supremo, juxta statuta Ordinis, obsequendi prom-
 ptitudinem coram sua Majestate testatus est Candidatus, ei in hæc verba Im-
 perator oratione pariter latinâ respondit: „ Rex Catholicus, hujus Ordinis
 „ Supremus ac Frater noster charissimus, quod egregias laudes tuas prædicari
 „ audiverit, ac omnino confidat, te in iis conservandis amplificandisque eo,
 „ quo cæpisti, pede constanter perstiturum fore, tam ad Tui ipsius celebritatem
 „ commendationemque, quàm ad hujus Ordinis dignitatem & honorem adau-
 „ gendum, censuit te eligendum, ut, Deo favente, per omnem vitam frater sis &
 „ socius hujus Ordinis; si priùs equestri Ordine insignitus ac aliàs nullibi in Equi-
 „ tum Ordinem adscitus fueris. „

Quibus dictis Sua Majestas Cæsarea enssem, quem eatenus evaginatum Su-
 premus Aulæ Marechallus tenebat, ejus è manu accepit, eodèmq; ter levi ictu
 sinistrum Comitæ, ante folium Cæsaris genuflexi, humerum percussit cum dicto:
 „ Efficiat te DEUS Equitem bonum & honorabilem in honorem Domini &
 „ S. Georgii. „ Adjecit subinde idem Augustissimus: „ Reliquum est, ut te
 „ necessariis sacramentis obstringas.

Tum Comes, qui *Auratus Eques* creatus hoc modo fuerat, ubi debitas suæ
 Majestati Cæsareæ pro collato Equestris dignitatis honore gratias humili sacræ
 manûs osculò retulit, continuò à Secretario ad paratam juramento faciendo
 mensulam ductus est, ubi genuflexus jurisjurandi puncta in hæc verba prælegen-
 tem Secretarium audiit.

„ Imprimis jurabit vestra Excellentia, quod, dum vivet, & in hoc inclyto
 „ Ordine & Sodalitate permanserit, ejusdem Supremi Celsitudinem, Domina-
 „ tum, jus & Dignitatem, quantum omnino facere poterit, tutabitur, & con-
 „ servare studebit. „

„ Deinde omni studio curabit, ut hic Ordo dignitatem suam & splendorem
 „ retineat, eique amplificando, quam poterit, operam, ubique conferet, neque
 „ unquam patietur (quantum avertere poterit) ut ille violetur, convellaturve,
 „ aut ullum capiat detrimentum vel imminutionem honoris, publicæque exi-
 „ stimationis.

„ Præterea, si (quod Deus avertat) tale quid committere contingeret, ut
 „ juxta hujus Illustris Ordinis Constitutiones eodem privaretur, ac eapropter
 „ Torques repetatur; illum ipsum Torquem remitter, vel ipsi Supremo vel ejus
 „ Ordinis Thesaurario, intra tres proximos menses: & nec eundem, neque ul-
 „ lum alium similem ulterius gestabit; nec etiam idcirco indignabitur Supremo
 „ vel ulli Confratrum vel Magistratum Ordinis, vel in eos odium concipiet.

„ Deinde sanctè promittet vestra Excellentia, quòd omnes Constitutio-
 „ nes & decreta hujus Ordinis, singulæque eorum capita viriliter observabit,
 „ & exequetur; quod ipsum etsi in genere spondet, & pollicetur Vestra Ex-

„ cellentia , ita tamen vult valere , ac si speciatim in singula eorum verba peculiariter & expresse juravisset.

His ex Ordinis Ceremoniali libro prælectis Secretarius Comitem his verbis affatus est : „ Ea ergo omnia ita jurat & promittit Vestra Excellentia per fidem suam & honorem in manus suæ Majestatis Cæsareæ ? „

At Comes , monente eodem Secretario manum alteram Cruci , alteram Missali seu Evangelio imponens juramenti formam his verbis pronunciavit : ita juro ac promitto : *Et sic me adjuvet DEUS & omnes Sancti ejus.* Subjungente Secretario : *Amen.*

Posthæc rursus ad Cæsareæ Majestatis thronum deductus sæpe dictus Comes se demisit in genua. At Augustissimus Torquem (quem Secretarius in holoserico pulvino eidem obtulerat) assistente antiquissimo Ordinis Sodale, simul recens creati Equitis collo circumdedit , simul ex rituali Ordinis libro hanc , quam adnecto , orationem subjecit : „ Ipse te hic Ordo recipit in suam amicam „ Sodalitatem , & in illius signum te hoc Torque condecorat, quem vi potestatis , quâ fungor , tibi circumdo. Faxit DEUS , ut illum diu gestes : idque cedat ad ipsius majorem gloriam , & exaltationem Sacrosanctæ Ecclesiæ : nec „ non ad amplificandum honorem & dignitatem hujus Ordinis in universum ; „ simulque etiam ad tuam propriam laudem & promeritam famæ celebritatem in nomine DEI Patris, & Filii, & Spiritûs Sancti. „ Responditque Torquatus Eques : „ Amen, id mihi concedat DEUS. „ Simulque Cæsareo amplexu honoratus est , quo cum demississima gratiarum actione accepto, dum ad occupandum sessionis suæ locum se confert , à singulis pariter Inclyti hujus Ordinis Fratribus pari amoris intimi contestatione est salutatus.

Qua creationis solemnitate peractâ recens adlectus Eques de more insignia sua in membranâ depicta , adjecto nomine, titulo , ac ætate præfato Secretario tradi curavit ; quò hæc simul cum exacta inaugurationis hujus relatione in Hispanicam aulam submitti possent.

Nam ut olim in templis , in quibus Equestria Comitia celebrabantur, cujuslibet Equitis sedili gentilitium scutum galeâ, apice, & laciniis ornatum ad perennem memoriam relinqui mos erat, quemadmodum testatur *Chiffet. in Brev. Hist. c. 8. pag. 22.* Idque adhuc Bruxellis, Barcinone, Antverpiæ, Gandavi atque alibi in ejusmodi templis videri ætate sua potuisse ait. Ita postquam haberi comitia desinere, hæc eadem Procerum in Ordinem adlectorum insignia eodem planè modo in membrana depicta in Codicem singularem, quem *librum Regis* appellant, referri ita solent, ut debitus cuivis Ordo & gradus dignitatis exposcit.

Id unum tamen supra veterem illum morem his Equitum insignibus ornamentis accessit, quòd, cum antea nonnisi galeam unicam, atque unicum apicem gentilitium adhibere ipsis etiam Ordinis hujus Equitibus liceret, postquam tamen Philippus II. cæteris Hispaniæ regnis Lusitanicam quoque coronam adjecit, atque ipse quidem tres Galeas veterum Castellæ, Arragoniæ, & Portugaliæ Regum proprias suis gestare in insignibus cepit, cæteris quoque exinde Proceribus binas ferre Galeas totidemque apices concessum est, eâ tamen lege, ut altera alteram obliquè flexa respiceret, nullâque recta in medio staret : quod hæc, ut alibi diximus, Supremæ sit potestatis indicium.